

**ZAKON
O IZMJENAMA I DOPUNAMA ZAKONA
O IZVRŠAVANJU BUDŽETA
SREDNJOBOSANSKOG KANTONA
ZA 2025. GODINU**

**Član 1.
(Izmjena i dopuna)**

U Zakonu o izvršavanju Budžeta Srednjobosanskog kantona za 2025. godinu („Službene novine Srednjobosanskog kantona“, broj: 1/25) u daljem tekstu: Zakon) u članu 26. stav (2) mijenja se i glasi: „Sredstva utvrđena za 11. razdjel glavu 03 Budžeta, budžetsku stavku Izdaci za nabavku stalnih sredstava-nabavka i rekonstrukcija zgrade za smještaj organa uprave Srednjobosanskog kantona“.

Dodaje se stav (3) koji glasi: „Sredstva iz stava (2) ovog člana koriste se u skladu s odredbama člana 24. ovog Zakona“.

**Član 2.
(Dopuna)**

U članu 28. iza stava (4) dodaje se stav (5) koji glasi: „Kapitalni transferi drugim nivoima vlasti fondovima-za sufinansiranje rekonstrukcije regionalnih i lokalnih puteva“ i Kapitalni transferi za projekte od značaja za općine na području Srednjobosanskog kantona“.

Dodaje se stav (6) koji glasi: „Za sredstva utvrđena stavom (5) ovog člana Vlada će posebnom Odlukom, na prijedlog Ministarstva finansija, utvrditi način realizacije kreditnih sredstava namijenjenih za finansiranje projekata iz stava (5) ovog člana.“

**Član 3.
(Dopuna)**

U članu 30. stavu (1) iza tačke p) dodaje se tačka r) koja glasi: „Kapitalni transferi drugim nivoima vlasti za sufinansiranje izgradnje, adaptacije i rekonstrukcije zdravstvenih ustanova u Srednjobosanskom kantonu“.

Iza stava (5) dodaje se stav (6) koji glasi: „Sredstva utvrđena za poziciju iz tačke) stava (1) 16. razdjela Budžeta Srednjobosanskog kantona, glave 01, koriste se na osnovu odluka Vlade Kantona, na prijedlog Ministarstva zdravstva i socijalne politike, a u skladu s Odlukom o načinu realizacije kreditnih sredstava za projekte od značaja za Srednjobosanski kanton iz stava (6) člana (2) ovog Zakona.“

**Član 4.
(Dopuna)**

U članu 31. stavu (1) iza tačke bb) dodaje se tačka cc) koja glasi: „Kapitalni transferi drugim nivoima vlasti za rekonstrukciju, adaptaciju i izgradnju predškolskih ustanova, kulturnih ustanova i sportskih centara.“

Dodaje se tačka dd) koja glasi: „Kapitalni transferi neprofitnim organizacijama za izgradnju Hrvatskog sportskog centra Nova Bila, izgradnju Kulturnog centra Župe Podmilačje-Bistrica i obnovu zgrade Nadbiskupskog sjemeništa „Petar Barbarić“-Travnik“.

Iza stava (5) dodaje se stav (6) koji glasi: „Sredstva utvrđena za poziciju iz tačaka cc) i dd) stava (1) 17. razdjela Budžeta Srednjobosanskog kantona, glave 01, koriste se na osnovu odluka Vlade Srednjobosanskog kantona, na prijedlog Ministarstva obrazovanja, nauke, mladih, kulture i sporta, a u skladu s Odlukom o načinu realizacije kreditnih sredstava za projekte od značaja za Srednjobosanski kanton iz stava (6) člana (2) ovog zakona“.

Dosadašnji stavovi (6), (7) i (8) postaju stavovi (7), (8) i (9).

**Član 5.
(Izmjena i dopuna)**

U članu 33. iza stava (5) dodaje se:

Stav (6) koji glasi: „Subvencije privatnim preduzećima i preduzetnicima – poticaji poljoprivredi (interventna sredstva za organizaciju sajмова i izložbi te edukacije, izdavaštvo i sl.) koriste se na osnovu programa koji odobri Vlada Kantona na prijedlog resornog ministarstva“.

Stav (7) koji glasi: „Subvencije privatnim preduzećima i preduzetnicima – poticaji šumarstvu, za privatne šume

koriste se na osnovu programa koji odobri Vlada Kantona na prijedlog resornog ministarstva“.

Dosadašnji stav (6) postaje stav (8) koji se mijenja i glasi: „Sredstva utvrđena za programe iz stavova (1), (5), (6) i (7) ovog člana izdvajaju se i raspoređuju odlukama Vlade Kantona, na prijedlog resornog ministarstva.

Član 6.

(Izmjena i dopuna)

U članu 36. u stavu (1) iza tačke i) dodaje se tačka j) koja glasi: „Subvencije javnim preduzećima“.

Stav (3) mijenja se i glasi: „Sredstva utvrđena za programe iz stava (1) tačaka a), b), c), d) i j) koriste se na osnovu odluke Vlade Kantona, na prijedlog Kantonalne uprave za civilnu zaštitu“.

Član 7.

(Stupanje na snagu)

Ovaj Zakon stupa na snagu sljedećeg dana od dana objave u „Službenim novinama Srednjobosanskog kantona“.

Broj: 01-02-533/25 PREDSEDAVAJUĆI SKUPŠTINE

21.maja 2025.

Travnik

Dražen Matišić, s. r.
